

tudine à Facultate Medica, sine mora susceptum, variis impedimentis huc usq; ad finem non pervenit. Tandem serio id curæ nobis datum putantes, urgentibus & Pharmacopœis & curiosis aliis, telam quam orsi eramus perfecimus, ultimâ manu auspicato CHRISTIANI die labentis anni, desiderato diu, sed non paucis difficultatibus involuto operi impositâ. In hoc quid præstitum sit, breviter exponam. Primo Catalogum exhibemus numerosum omnium Simplicium & Compositorum medicamentorum, quæ in officinis Pharmaceuticis Hafniæ prostant, cumq; alphabetico ordine, ut nomina Latina primo intuitu inveniri possint. Non contenti Exoticis peregrinisq;, inquilina addimus & domestica, quæcunq; in usum Medicum venire queunt, ne vel manca apud Nos Natura illaudatave destituatur, vel vulgi desideria frustremur. inseruntur Medicorum nostrorum Composita, quæ vel Autores illos habent, vel fautores. Deinde ut omnibus patriæ civibus incolisq; usui sit opera suscepta, ex Regio præscripto

Eru-